

DEO OPTIMO MAXIMO UNI ET TRINO, VIRGINI DEIPARÆ
ET SANCTO LUCÆ ORTHODOXORUM MEDICORUM PATRONO.

QUÆSTIO MEDICA,

QUODLIBETARIIS DISPUTATIONIBUS MANE DISCUTIENDA

IN SCHOLIS MEDICORUM, DIE JOVIS XXIX. NOVEMBRIS.

M. FRANCISCO-ANTONIO LE DRAN, Doctore Medico, Præsiede.

Confertur ventriculi motus, ad elaborationem chyli?

MOLU vivunt animalia, motu pereunt. Humores scilicet & spiritus agitatione continuâ vitæ functiones absolunt: sed præcipiti dum cursu vehuntur, cutis repagula transiliunt; & quilibet horâ, solidarum quoque partium, quas fugiendo appetunt animantes: utraque verò ex variâ rerum dissimilium congerie genita, diversis enim partibus rescindens alimentorum mixtionem providetur. Iniquè igitur de forte sua nonnulli querantur, quod arentes fauces proluere non liceat aquâ, à quibuslibet rerum vicinarum effluviis expedita; vel quod nullis aurum dissiluat liquoribus, qui possint impunè ventriculo committi. Vix enim utile quidquam nutritioni pura conferunt elementa, vel metalla, aurum omnium minime; quippe quod sibi pertinaciter coheret, quia similibus ex partibus coalescit, nulla corporis alieni societate discretis. Ne credas tamen, alimenta quò sunt pluribus composita, eò magis esse alendo corpori idonea. Profane quæ natura concessit, nocent quæ miscet ars gule delitiis addita. Lædunt cœnæ dubiæ, & mixta assis elixa, Conchylis Turdis. Hæc enim confusa, stomacho tumultum inferunt; & ventriculo vix ex tanto rerum dissimilium acervo chylum elaboranti, negotium ingens facillunt.

CANDIDO rore quem mamma nutritic effundunt, nascentes pascimus. Albo liquore quem ventriculus subministrat, totæ vitæ decursu rescindunt. Humor ille ex cibis attritis, coctis, expressis effluens, chylus est: ut lacti colore & substantiæ fluente, lactis penuria reparatur. Ex liquidis ille solidique manat alimentis; citius quidem & facilius, si mollia & simplicia, longo verò & vehementi ventriculi nisu, si dura & composita devorentur. Cùm enim chylus, ut fiat accommodatum mammae alimentum, æqualis, fluidus, & albus evadat necesse sit, quò plura ab hisce conditionibus remota ventriculo traduntur, eò validiori fibrarum contentione dura mollibus, siccis liquida misceat opus est; ut res dissimiles in cremorem unius modi coascescant. Hic si labem aliquam, dum in ventriculo versatur, contrahat; si nimium, aut febrili calore illi nidor inuratur, aut resiliens è Pancreate succo acris ebulliens, acefeat, vel resolutis ventriculi fibris, minus subactis elaboratur; vix aliorum luit immerita cœnoris massa.

VENTRICULUM principem esse primæ coctionis officinam, situs ejus & adnexa testantur. Medius est gulam inter unde excipiat alimenta, & intestina quibus illa in chylum mutata committat. Ambitu suo sinum, ad cibos continendos, viscerum omnium capacissimum complectitur. Tantâ verò fervidi sanguinis copîa è propinquo corde, innumeris arteriis quilibet discurrentibus, alluitur; calidissimaque illum viscera hepar scilicet, lien, pancreas, immo fons ipse calor, & ab eo præceps æstantis sanguinis rivus, tam ardè fovet & ambiunt: ut palam constet, tanto calor apparatu non privatæ partis incoluntat, sed publico culinariis visceris foci pro provideri. His porrò cùm & saliva, quæ cibis cum dentibus teruntur, accidit, & liquoris è glandulis gule & stomacho appositis decidit, fermentum fit annuerandum; extra dubium est, multiplici adeo caloris incitatione, in ventriculo cibos ad ebullitionem promoveri. Ne tamen illum putes, lebetis instar ardenti foci impositi, minus quam inexplicabili substantiæ proprietate contendas. Verùm ut facile, quid ad chylosum complementum ventriculus conferat, intelligas; ipsius structuram, tuicas, nervos, sedulas inquire. Quæ scilicet media illi est membrana, carnosa, & omnium, sed omnibus vel simul, vel vicissim agentibus, quadam sui totius in orbem commotione, (velut in compositis muscularis contingit) alimenta versat, misceat, attenuat, & tunica interioris rugis & tuberculis comminuit.

LONGIUS multo cerebri patet imperium, quàm vulgò solet circumscribi: neque solum in musculos, ad externas corporis partes arbitrio voluntatis agendas, institutos, ab eo spiritus motores insunt; sed in omnia viscera, non secus ac in artus, jus suum proferunt. Viscus nimirum quodlibet, five membranofus illud sit, five parenchyma audiat, suis agitatur fibris: quibus solutis, aut contractis, quod amicum est excipit; quod superfluum aut incommodum respuit. Neque enim frustra, vel unius sensus gratiæ qui visceribus obtusior est, tot nervorum propagines in eorum membranas distribuuntur: sed nervi in ipsorum intima perreptantes fibris adnectantur; & eas pro diversâ motus necessitate contrahunt, aut laxant. Unde fit, usus concessum est, publicis officinis, meliore jure, ad totius economiam attributum est. Hinc cor non fibris modo, sed muscularis pluribus instructum est, quibus indefinenter vibratur, atque etiam è vivis animantibus evulsum, sanguine vacuum, & tendinosis muscularum more compactus est; ut vix credat aliquis, tam valida motus instrumenta id solum muneri obtinere, ut grana devorata, quàm plurimum integra, complectatur. Animalium verò utrinque dentatorum licet ventriculus, atque etiam validos, ad chyli elaborationem, posse motus obire intelligent, si firmam ejus compagem, & nervosam, quæ convellitur, tunicam expendamus; illum faciliè musculi vices gerente, tam vehementer convelluntur, ut lienis, intestinorum, uteri, cordis & stomachi concussionem, oculis etiam & tactu manifestè percipiantur.

TANTI motus est ad absolutum primæ coctionis opus, ut ex quo cibi animantium ora subierunt, nusquam moveri desinant. Primum enim dentibus in ore comminuuntur: mox lingua & asperiore palati tunica, velut limâ, teruntur. Ac de-
versione, vim caloris æqualem percipiunt, parique fermenti mole perfusa, similem quoque ebullitionem concipiunt. Nec secus ac massa panis, agitatione repetitâ, fermento melius imbutur; & cerevisia, vinum, aut hydromel, in dolis commota, citius maturæcit: ita chylus frequentî ventriculi convoluzione, ut albescit, sic & brevi generosior & perfectior evadit. Adeo ut, quod solâ vividâ quantumvis caloris opus, & acidi liquoris, licet tenuissimî beneficio, sine motu, non nisi tediousâ temporis morâ perficeretur, eo agente prælo melius & citius absolvatur. Hinc quibus animantibus gingiva superior inermis est, ut quæ integra ferè devorant alimenta consuecunt, quadruplici ventriculo provifum est: illa nimirum in ingluvie macerata, citius reticulus: ut hæc in primo, humore è glandulis vicinis affluente, imbuta, in secundo tantâ mole intus fuscata munito, lappilis juvenatibus quos aves absorbent, & actione validâ muscularum quibus ventriculus ille constat, in pulmentum chylosam abeant. Porro, cùm ciborum quidquid ventriculus excipit, non simul colligescat, sed tenfam partes, quas rugosa illius tunica propius attingit, in chylum dissiluat: partitis quoque vicibus per inferius ejus osculum ejiciantur, & perpetuâ ventriculi compressione, quod coctum & dilatum est, in intestinâ continuò propellitur; ut sic quod super est elaborandum, simili elidente complexu, melius absolvatur.

Ergo ventriculi motus, ad chyli elaborationem confert.

DOMINI DOCTORES DISPUTATURI.

M. Franciscus Pouffe.

M. Camillus Falconer, utriusque Aulae Equestris Medicus ordinarius.

M. Alexis Litre, Regiæ Scientiarum Academia Socius.

M. Thomas Bern. Bertrand.

M. Hyacinth. Theodorus Baron.

M. Petrus Burette, Professor Regius, & Regiæ Numismatum Academia.

M. Agidius Adam.

M. Joannes-Nicolaus de la Hire, Regiæ Scientiarum Academia.

M. Ludovicus Devaux.

Proponebat Parisiis MICHAEL PEAGET Parisinus, Baccal. Medicus, A. R. S. H. MDCCXIV.